

51/14, 8/18 i 9/19), ministrica za rad, socijalnu politiku, raseljena lica i izbjeglice Kantona Sarajevo donosi

**INSTRUKCIJU  
O VISINI MJESEČNOG NOVČANOG IZNOSA  
SUBVENCIONIRANJA TROŠKOVA GRIJANJA**

**Član 1.**

(Predmet Instrukcije)

Ovom instrukcijom utvrđuje se visina mjesečnog novčanog iznosa subvencioniranja troškova grijanja po Uredbi o subvencioniranju troškova grijanja ("Službene novine Kantona Sarajevo", br. 4/05, 7/08, 37/13, 51/14, 8/18 i 9/19).

**Član 2.**

(Visina novčanog iznosa subvencioniranja troškova grijanja)

Visina novčanog iznosa subvencioniranja troškova grijanja za mjesec novembar i decembar 2020. godine iznosi 100,00 KM mjesečno.

**Član 3.**

(Stupanje na snagu)

Ova instrukcija stupa na snagu narednog dana od dana objavljivanja u "Službenim novinama Kantona Sarajevo".

Broj 13-04/2-02-37078-1/20

12. oktobra 2020. godine

Sarajevo

Ministrica  
Jasna Agić, s. r.

**OPĆINA CENTAR**

**Općinsko vijeće**

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06 i 51/09), člana 363. stav (5) Zakona o stvarnim pravima Federacije Bosne i Hercegovine ("Službene novine Federacije BiH" br. 66/13 i 100/13) i čl. 10. i 68. Statuta Općine Centar - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na 56. redovnoj sjednici održanoj dana 08.10.2020. godine, donijelo

**ODLUKU**

**O DAVANJU SAGLASNOSTI NA NACRT UGOVORA O  
OSNIVANJU PRAVA GRAĐENJA RADI IZGRADNJE  
SPOMEN OBILJEŽJA "ODRED LASTA"**

**Član 1.**

Općinsko vijeće Općine Centar Sarajevo daje saglasnost na Nacrt Ugovora o osnivanju prava građenja radi izgradnje spomen obilježja "Odred Lasta", na uglu ulica Patriotske lige i Bolnička u Sarajevu, na zemljištu označenom kao k.č. 40/27, po kulturi dvorište, površine 113 m<sup>2</sup>, iz zk. ul. 1449 K.O. Sarajevo IV.

**Član 2.**

Ovlašćuje se Općinski načelnik da, nakon stupanja na snagu ove Odluke, sa Univerzitetom u Sarajevu kao vlasnikom i posjednikom nekretnine zaključi notarski obrađen Ugovor o osnivanju prava građenja, na osnovu kojeg će se upisati pravo građenja kao teret na nekretnini označenoj kao k.č. 40/27, po kulturi dvorište, površine 113 m<sup>2</sup>, iz zk. ul. 1449 K.O. Sarajevo IV, koja je predmet Ugovora o osnivanju prava građenja, sa ranijeg vlasnika - Univerzitet u Sarajevu, na nosioca prava građenja - Općinu Centar Sarajevo.

Sve troškove oko realizacije ovog pravnog posla, snosit će nosilac prava građenja.

**Član 3.**

Ova odluka stupa na snagu narednog dana od dana objavljivanja na oglasnoj ploči Općine Centar, a naknadno će se objaviti u "Službenim novinama Kantona Sarajevo".

Broj 01-19-5349/20  
08. oktobra 2020. godine  
Sarajevo

Predsjedavajuća  
Općinskog vijeća  
Karolina Karačić, s. r.

Ova odluka je objavljena na oglasnoj ploči Općine Centar dana 13.10.2020. godine.

Na osnovu člana 363. stav 3. tačka 5. Zakona o stvarnim pravima ("Službene novine Federacije BiH", br. 66/13 i 100/13), člana 33. Odluke o građevinskom zemljištu Općine Centar Sarajevo ("Službene novine Kantona Sarajevo", broj 17/15), čl. 10. i 68. Statuta Općine Centar Sarajevo - Prečišćen tekst ("Službene novine Kantona Sarajevo", broj 23/04), u predmetu prodaje neizgrađenog gradskog građevinskog zemljišta radi oblikovanja građevinske parcele u svrhu izgradnje stambeno-poslovnog objekta u ulici Ciglanska broj 24 u Sarajevu, po zahtjevu Kasalo-Fazlić Sandre iz Sarajeva, Općinsko vijeće Centar Sarajevo je, na 56. redovnoj sjednici, održanoj dana 08.10.2020. godine, donijelo

**ODLUKU**

**O PRODAJI NEIZGRAĐENOG GRADSKOG  
GRAĐEVINSKOG ZEMLJIŠTA NEPOSREDNOM  
POGODBOM OZNAČENOG KAO K.Č. 2769 IZ ZK. UL.  
373 K.O. SARAJEVO - MAHALA CXXXVI, RADI  
OBLIKOVANJA GRAĐEVINSKE PARCELE**

**Član 1.**

Općina Centar Sarajevo prodaje neposrednom pogodbom neizgrađeno gradsko građevinsko zemljište označeno kao k.č. 2769 po kulturi put, površine 55 m<sup>2</sup>, upisano u zk. ul. broj 373 k.o. Sarajevo - Mahala CXXXVI, vlasništvo Općine Centar Sarajevo sa 1/1.

**Član 2.**

Zemljište navedeno u članu 1. ove Odluke prodaje se Kasalo-Fazlić rođ. Kasalo (Pero) Sandri iz Sarajeva, radi oblikovanja građevinske parcele koju čine: k.č. 2770 nastala od k.č. 376 po kulturi bašča, površine 85 m<sup>2</sup>, upisana u zk. ul. broj 266 k.o. Sarajevo - Mahala CXXXVI, sa upisanim pravom vlasništva u korist Kasalo-Fazlić rođ. Kasalo (Pero) Sandre sa 1/1, te k.č. 2769 po kulturi put, površine 55 m<sup>2</sup>, upisana u zk. ul. broj 373 k.o. Sarajevo - Mahala CXXXVI, sa upisanim pravom vlasništva u korist Općine Centar Sarajevo sa 1/1.

**Član 3.**

Zemljište iz člana 1. ove Odluke, u površini od 55 m<sup>2</sup>, prodaje se po cijeni od 600,00 KM/m<sup>2</sup>, što ukupno iznosi 33.000,00 KM (slovima: tridesettrih hiljade konvertibilnih maraka), koju je kupac dužan uplatiti, na depozitni račun za prikupljanje javnih prihoda Općine Centar Sarajevo, otvoren kod UniCredit banke d.d. Sarajevo, broj 3386902296575219, Vrsta prihoda 722431; Općina: 077; Budžetska organizacija: 0000000; Poziv na broj 0531136080 prije zaključenja ugovora o prodaji.

**Član 4.**

Ovlašćuje se Općinski načelnik Općine Centar Sarajevo da nakon stupanja na snagu ove Odluke sa investitorom Kasalo-Fazlić (Pero) Sandrom iz Sarajeva zaključi notarski obrađen ugovor o kupoprodaji nekretnina iz člana 1. ove Odluke, po prethodno pribavljenom mišljenju Općinskog Pravobranilaštva.

Sve troškove oko realizacije ovog pravnog posla snosit će kupac.